



Jān Norman Hill
(Pedped ioon juon bwebwenato emool)

Bwebwenato in ekar bōk jikin ilo Ghana.

Eien riit," Mr. Otoo eaar ba. Nyameye ej kajjimwe an jijjōt. Elimo iien riit! Aolep raan ilo jikuuļ, rūkaki eo aer ej riiti juon bok nān kūlaaj eo aer. Jet iien ļein ej riit kōn mennin mour ko. Jet iien ļein ej riit kōn armej ro ilo laļ ko jet. Im jet iien ļein ej kajjitōk ippān kūlaaj eo nē ewōr bok rekōnaan bwe en riiti.

"Ewōr ke en ewōr an bok ekōņaan bwe in riiti rainin?" Mr. Otoo eaar kajjitōk.

Nyameye ekar kajutak pein. "Ewōr aō!" ļein eaar jibwe tok pāak eo an im kanōktok bok eo emņantata ippān. Kar bok in bwebwenato an Bok in Mormon! Ekar boktok nān riit mōjin jikuuļ ilo an kōttar an jinen itok im bōke. An elolo pija ejipaņ e mēļeļe bwebwenato ko an jeje ko rekwojarjar.

Mr. Otoo eaar ettōņ ke ej loe bok kilelep eo. "Eban wōr an iien riiti aolepen. Ewōr ke paat en kokōnaan bwe in riiti?"

"Ewōr ke en ewōr an bok ekōņaan bwe in riiti rainin?" Mr. Otoo eaar kajjitōk.



KŌMELELE KO JĀN ZHEN LIU

"Aaet," Nyameye ekar ba. ļein eaar ellōk peij ko nān nē eaar loe bwebwenato eo emņantata ippān. "Kwomaroņ ke riiti menin, jouj? Etan in 'Etōņak eo an Liai.'"

"Bwebwenato in ta e?" Mr. Otoo eaar kajjitōk.

"Kōn juon rikanaan me eaar lo juon visōn. ļein eaar loe juon wōjke aibooj kōn le ko leen renno." Nyameye eaar jitoņļok pijaan wōjke eo. "Eaar kōņaan bwe baamļe eo an ren mōņā leen wōjke eo ippān. Kwomaroņ ke riiti?" Nyameye eaar lelōk bok eo nān rūkaki eo an.

"Aaet," Mr. Otoo eaar ba. Innām eaar jino riit eļaaļ. Ekar riit kōn iaļ eo eaidik me ej tōļļok nān wōjke eo. Ekar riit kōn aen in dāpdep eo. Im ekar riit kōn kōjparok kien ko.

Selorn eo mōttan Nyameye ekar kajutak pein. "Kain wōjke rōt eo?" ekar kajjitōkin Nyameye.

"Ijjab jeļā," Nyameye eba. "Ak le ko leen raar lukkuun enno. Emaroņ kar enno ļok jān

wōjke mōņko!" Innām Nyameye eaar bōjrak im kōļmenļokjen. "Ilo jikin jar, Iaar ekkatak bwe le ko leen raar jutak kōn iakwe an Anij. Kiiō emēļeļe unin an lukkuun kar enno im jenolōk!"

Ke eaar mōj kūlaaj, Nyameye eaar jijjōt namōj im kōttar jinen. Ekar kwaļok tok bok in bwebwenato in Bok in Mormon eo im riiti.

"Juon bwebwenato emņan" Selorm ekar ba. Ekar jijjōtļok turin Nyameye. "Imaroņ ke bar riiti juon ippam?"

"Aaet!" Nyameye eaar ālōkļok nān bar juon bwebwenato. Raar riit kōn Abinadai im Kiiņ Noa.

Rijikuuļ ro jet mōttaer raar itok im roņjake. Ke ekar lōņ aer kajjitōk, Nyameye ekar uaaki. Ekar bar kajjitōk ippāer kajjitōk nān teej er kōn bwebwenato ko rej riiti!

Ejjab to Nyameye ekar lo an jinen etetal ļok nān ippāer. "Komņool kōn ami riit ippa," ekar ba nān ajri ro jet. Ekar kiil bok eo im ettōņ dikdik. Ekar emōņōņō bwe ro mōttan ekar bar emņan ippāer bwebwenato joņan wōt an emņan ippān. ●